

मनै भी जाणा सै भोले मनै ले चल तेरी बरात में लिरिक्स



ब्रह्मा चाले विष्णु चाले,
चाले नंदी साथ मैं,
मनै भी जाणा सै भोले,
मनै ले चल तेरी बरात मैं।

भूत प्रेत आर बागड़ बिल्ले,
सारे साथ मैं चाल पड़े,
देख देख कै इनके थोबड़े,
सबके कालजे हाल पड़े,
सारे जावै बाकी ना इब,
रह री मेरै गात मैं,
मनै भी जाणा सै भोले
मनै ले चल तेरी बरात मैं।

डी जे ऊपर नाचण का मनै,
चाव कसूता चढ्या पड्या,
तेरै व्याह के लाड़ खाण नै,
मन मेरा भी अड्या खड्या,
तेरै हाथ में डमरू बाजै,
चिमटा मेरै हाथ मैं,
मनै भी जाणा सै भोले,
मनै ले चल तेरी बरात मैं।

सावी लिखै भजन तेरे और,
साथ दिनेश भी गावै सै,
तेरी महिमा गा गा कै नै,
जीवन सफल बणावै सै,
सदा राखिए चरणां मैं इस,
भाण भाई के साथ नै,
मनै भी जाणा सै भोले,
मनै ले चल तेरी बरात मैं।

ब्रह्मा चाले विष्णु चाले,
चाले नंदी साथ मैं,
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



मनै भी जाणा सै भोले,
मनै ले चल तेरी बरात मैं।

Singer – Dinesh Goyal / Savita Garg
